

一使者除遣女盆子赤首大魔請自攝邪精
應時蠲滅使齋主凶殃雨散厄障雲消六府
恬和百關調暢算壽增益祿位長安七祖還
昇九玄蒙慶得如所願仰荷玄恩

呪曰

上方諸天帝 出入大羅門 墜育地上民
劫運使長年 下邪敢不亡 縱毒殺萬民
狼藉死病苦 怨聲徹上天 天上下大兵
擲火收百瘟 三五斷邪徑 七星塞鬼門
掩縛付天獄 萬民得完全

下方

臣等謹為齋主某甲等修建洞淵三昧神呪
大齋行道禮懺歸命眾尊願遣大明監邪迴
然使者各持鐵騎收捕邪精當使齋主疾病
輕除神安魄定災運蕩滅壽算增延寵祿長
承台階速踐得如所願仰荷玄恩

呪曰

下方地祇靈 紀綱都九域 清澄於四海
安鎮於五嶽 制攝邪魔鬼 不得行百毒
上聖護生民 故下盟威勅 若有違逆者

收之付天獄 鐵鈎鈎鬼眼 金刀截手足
神呪殺百邪 百邪滅種族 萬民感道恩
無復哀悲哭 免度凶忌年 會見世安樂

太上洞淵三昧神呪齋十方懺儀

正一天師清微弟子 洪百堅 製作
道教學術資訊網站

太上洞玄靈寶授度儀表

化九

臣修靜依棲至道翹竚靈文造次弗忘幸會
有數顧使草茅之品獲披龍鳳之章妙重專
嚴非所堪勝誠欣誠懼冰炭于心自從叨竊
以來一十七年竭誠盡思遵奉修研翫習神
文耽味玄趣心存目想期以必通秉操勵情
夙夜匪懈考覽所受粗得周遍自覺神開意
解漸悟理歸宛義妙致本自仰絕其羸跡近
旨謂可彷彿伏尋靈寶大法下世度人玄科
舊目三十六卷符圖則自然空生讚說皆上
真注筆仙聖之所由歷劫之筌範文則奇麗
尊貴事則真要密妙辭則清虛玄雅理則幽
微濬遠標明罪福權便應適戒律軌儀導達
羣方靈音八振聾盲開豁法門四達巨細獲
所洋洋大化無量法橋但正教始興天書寶
重大有之蘊不盡顯行然即今見出元始舊
經并仙公所稟巨據信者合三十五卷根末
表裏足相輔成大乘之體備用不少但授度
威儀唯有二表關奏啓請無其典式若聖人
傳法則天真列具不假名引之煩今下俗律

穢必須神官感通達御既闕成科於愚夫罔
厝自靈寶導世以來相傳授者或總度三洞
同壇共盟精森糝雜小大混行時有單受洞
玄而施用上法告召錯濫不相主伍或採博
下道黃赤之官降就卑猥引屈非所顛倒亂

妄不得體式乖違冥典迷誤後徒臣每晨宵
歎惋內疚泣血既真師渺邈不可希期鑽求
世學永無其文事要急用實宜充備且敢以
冥冥竊按金黃二錄明真玉訣真一自然經
訣准則衆聖真人授度之軌數三部八景神
官撰集登壇盟誓爲立成儀注既幽玄遠絕
非肉眼可測神明事微豈尸愚所體執筆戰
悚形魂交喪懼以謬越致罪又慮造作招考
進退屏營如蹈刃毒繕治雖竟不敢擅用謹
潔身清齋於三寶御前誦讀一過恩惟

太上取專玄中大法師垂神照鑒矜察所答
若萬有一毫之補合請施行如其不允輒當
毀除可否之宜要以靈瑞爲證願特賜告効
伏須感應謹落巨修靜誠惶誠恐稽首再禮
以聞
臣陸修靜謹進

太上洞玄靈寶授度儀

黃錄簡文靈仙品云奉受經法當爲三師開
度弟子一十九人建功立德詣天有名乃得
登壇告盟佩受五老赤書真文玉篇三部八
景二十四真天仙乘騎上真之官功名不立

輕受大法三官所執生死苦考由明法曹明
真科云盟用金錢二萬四千以質二十四炁
生官重真之信關則三部八景之神不度人
命籍無金錢銅亦可准都關考屬都神曹明
真科云用上金五兩以盟五嶽爲寶經之信

玉訣云上金九兩上誓九天關則犯慢經之
科五嶽靈山不領人學籍考屬陰官曹明真
科云用五方紋繒各四十尺以關五帝爲告
誓之信關則五帝不受人名爲五帝魔王所
壞使人志念不專考屬水官泉曲曹明真科

云用金龍金鈕各三枚投山水土爲學仙之
信不投此三官拘人命籍求乞不違有違考
屬九都曹
玉訣云裂南和丹繒五尺繒如爲巾於案上
請靈寶五篇真文及五符

玉訣云割碧林之帛五尺繒如爲巾以覆真
文符上

玉訣云今真文五符處丹青中間以爲落髮
歃血之盟也青以代髮丹代歃血之盟誓真
人不傷神損德故以代之爾

玉訣云五種雜和之香經乃不記多少常用
二斗五升可足又應須五絲雜華一斗准真
人授度時以散十方用之大席五領七章案
五香爐奩又本命繒隨年
右八件物登壇事信誓用之

玉訣云春用甲寅乙卯夏用丁巳丙午四季
用戊辰戌戌己未己丑秋用庚申辛酉冬用
癸亥壬子建王之日登壇也
玉訣云當於靈嶽作高壇四方攔纂東南南
北玉上開五門安五榜榜文如左

九炁青天安寶華林青靈始老君蒼帝君九
炁青牙天君太上真玉青腰玉女東鄉諸靈
官青華元陽門青華赤地
三炁丹天梵寶昌陽丹靈真老君赤帝君朱
丹三炁天君元炁丈人朱官太丹玉女南鄉

諸靈官洞陽太光門赤書黃地安南方門上

元洞天帝天玉寶元靈元老君太帝真人子

丹黃庭戊巳天蒼玉女中黃大帝官君元黃

高晨門黃書白地安正門上

七炁白天七寶金門皓靈皇老君白帝君明

石七炁大夫太上白素玉女西鄉諸靈官通

陰金闕門白書黑地安西方門上

五炁玄天洞陰朔單鬱絕五靈玄老君黑帝

君玄滋五炁天君太上靈君夜光玉女北鄉

諸靈官陰生廣靈門黑書青地安北方門上

九天眾靈五嶽名山真人江河四瀆三官九

府諸靈官地仙玉女五嶽飛仙神仙諸仙官

君元黃高晨門紫書黃地安正門左

右六榜安著五門上東西南北四門依位

各一榜正門上施戊巳九天二榜著門之

左右也用香爐五枚施置壇之內五方以

五色繒絲著五案下又別用一案於壇中

請真文五符經文又用一案以奏表度事

合七案金錢之物列度事案前

黃錄簡文云受法當依明科齋信詣師對齋

七日黃繒章表奏言諸天所受書文露壇一

宿無有風炁文不吹搖骨名合法告盟而傳

為風所吹使退齋三日便如先法三過被風

其人先無玄名善功三界不舉五帝不保骨

炁不合不得輕傳考由司正曹代九

靈寶大盟宿露真文拜表出官啓奏次第如

左於名山壇地置竟師與弟子俱從地戶入

左迴師入內壇王門北向三捻香先以弟子受真文

二錄著案上

弟子往外壇南面北向三拜伏地稽首對章

師鳴天鼓三十六通

次發爐如法

次出官

謹出臣身中五體具官功曹吏出臣身中三

洞飛仙上三天執法開化陰陽功曹度道消

災散禍解厄君吏各十一人出上高真臣身

治職君吏共治建節監功大將軍前部効功

後部効殺驛庭令驛庭丞四部監功謁者臣

身中仙靈直使正一功曹治病功曹左右官

使者陰陽神決史科車赤符吏剛風騎置驛

馬上章吏等各二人出出者嚴裝顯服冠帶

垂纓整其威儀直使功曹戴通天之冠衣早

紉單衣正一功曹冠朱陽之幘絳章單衣使

者冠九德之冠五色壽命單衣腰帶虎符左

佩流金火鈴右佩豁落七元齊執玉簡直使

功曹住立中央治病功曹營衛臣身左官使

者持幢在前右官使者建節在後陽神決吏

立左陰神決吏立右上部功曹遠望上天中

部功曹遠瞻八方促炁功曹催促十方都官

使者市逸臣身即吏虎賁察奸鈎騎都官僕

射天騶甲卒天丁力士收炁食炁吏收神食

神吏收鬼食鬼吏收精食精吏收毒食毒吏

收邪食邪吏誅符破廟史科車赤符吏剛風

騎置驛馬上章吏飛龍騎吏屯住臣等前後

左右功曹使者嚴裝事竟羅列鹵簿闕啟靈

寶官屬監齋仙王典經侍郎衛靈司馬三洞

諸君官將吏天師所布下二十四治三十六

靖廬七十二福地三百六十名山崑崙等上

官三萬六千餘神日月星宿璇璣玉衡天地

五帝三界官君將吏及道上二玄三元四始

四面方位風炁注炁甲子諸官君將吏考召
 東九夷胡老君南八蠻越老君西六戎氏老
 君北五狄羌老君中央三秦僖老君五嶽四
 瀆丘沼君諸廟神所在高山早谷山林孟長
 十二溪女根源本始土地之主社稷將吏一
 時嚴裝與巨身中功曹使者飛龍騎吏上啓
 太上玄元太上帝太上老君太上丈人
 無上玄老十方無極大道道德衆聖天尊至
 真大帝天帝天師女師三師君夫人門下行
 文書事十二書佐按章從事操巨謹授上學
 道士某甲等靈寶大法靈真文八景內音二
 錄黃素表一通在玉案上請省出官訖

次讀表文

次重約勅

重勅巨身中五體真官官一小吏十二書佐
 嚴裝顯服冠帶垂纓及時操巨拜露真文章
 表上詣太上曹隨事進對誤字爲易脫字爲
 益若言辭到錯尋逐治正必使上合無令上
 官有所譴却六天羣魔下官故炁斷截公文
 分別關奏以時上達伏須告報

次起北向叩齒九通祝曰

高上元始九天靈尊上真玄遐道幽瓊軒三
 五運推七宿改晨虛皇控縵五帝定仙青官
 總錄符命靈山是日元吉萬真開陳上學甲
 乙宿命因緣得遇神經上皇寶篇謹於玄嶽
 上盟九天下告五帝十二河源乞丐記領奏
 上高晨誓告萬靈列位皇壇營衛威武按如
 太真須到明日御合啓傳

次復官

巨身中功曹使者錄上將軍吏兵上章之官
 効力事訖還入巨身中在左還左在右還右
 安隱九宮六府金堂玉室十二關機之中纏
 身繞骨經衛百脉若有典主保護巨身直使
 功曹差次檢押無令錯互須巨後召復出奉
 行一如故事鳴法說三通

次起再拜復爐如法畢師與弟子
 明日登壇告大盟次第法從地戶出

平且言功竟弟子若多改壇如前用六榜安
 著五門上東西南北四門依位各一榜王門
 上施戊巳九天二榜著門之左右也訣云中

正門下季上如春在丑衆真門在
 正門上孟上如春在巳他效之如弟子少
 即用齋壇依常黃籙齋法也更鋪設修飾嚴
 淨布置陞壇所須等物悉具備鳴鐘法師與
 弟子臨壇三師五保嚴裝法服弟子皆玄冠
 黃褐執簡齊肅香花讚引悉皆如法先引弟
 子遠壇三市至東南角向西倚讚唱勿停次
 引師復遠壇三市至西北角倚師去壇三十
 步或七步便叩齒三十二通思紫雲覆冠一
 壇或一五帝神兵各十萬人來迎兆身了了
 分明乃祝曰

神真出遊萬帝駭驚玉虛玄衛天宿倒傾五
 嶽司官莫不輔靈命召十方驅策天兵率天
 以下咸到皇庭令我登仙洞得道精審知不
 祥通幽究冥所向所陳悉合玉清畢乃徐行
 登壇從西北天門入戶祝如法昇都壇左迴
 向西北九拜朝九天主訖叩齒九通祝曰巨
 甲今傳弟子某甲九天寶經至上玉諱清齋
 宿奏氣命合真乞類下監真玉仙典錄侍郎
 衛靈司馬下監盟文及所啓所付畢得上聞
 壇左行還向東南再拜又啓曰

高上元始天王今日上願八會日吉時清謹
於玄壇或云盟度玄經乞丐告下五帝靈山
監臣盟誓早賜神仙得乘飛輶上昇帝晨畢
法師倚次命弟子從東南地戶入壇壇上向
西北九拜竟師左迴立地戶上弟子左迴立
天門上迴向東南再拜還北面南向伏師迴
北向立叩齒三十六通誦金真太空章一篇
以制萬魔其辭曰

天魔乘空發 萬精駭神庭 託化誦歌章
隨變入無名 萬氣何紛紛 穢道當塗生
雲中舍朱宮 北帝踊神兵 鼓洋自知道
玄運來相征 上景御飛轡 迅駕檢雲營
促校北帝錄 收執羣魔名 豁落張天羅
放威擲流鈴 金真輔空洞 玉光煥八冥
金玄守上宮 神虎戮天精 剪滅萬妖杰
億億悉齊平 上承九天信 嘯命靡不傾
招真究三洞 慧誦朗自清 八道望玄發
七轉緯天經 混合帝一真 拔度七祖程
消滅五苦根 反魂更受榮 金光曜寢室
神燭自然生 香華散玉宇 煙氣徹玉京

帝遣徘徊輦 三元降綠軒 迅駕騰九玄
朝我玉皇庭

畢便左行弟子隨師從天門入內壇門入云正
左迴三上五方香從東始周竟還西面向東
法師閉目內思存見五臟五嶽五星五帝備
衛身中映蓋一體體作金色從肺後出項有
圓光如日像使照明十方身中了然盡見內
外畢

次誦衛靈神祝曰

九炁青天明星大神煥照東鄉洞映九門轉
燭陽光掃穢除氛開明童子備衛我軒收魔
束杖上對帝君奉承正道赤書玉文九天符
命攝龍驛傳吾天安鎮我得飛仙
南方丹天三炁流光煥星轉燭洞照太陽上
有赤精開明靈童總禦大兵備守三宮斬邪
束杖剪截魔王比帝所承風火八衝流鈴交
煥敢有不從正道流行我享上功保天長存
億劫無終
七炁之天太白流精光曜金門洞朗太真中
有素皇號曰帝靈保神安鎮衛我身形斷截

邪源王道正明宮宅整肅三景齊并道合自
然飛昇紫庭靈寶符命普惠萬生功加一切
天地咸寧

北方玄天五炁徘徊辰星煥爛光曜太微黑
靈專神飛玄羽未備衛五門檢精捕非敢有
干試露落斬摧玉符所告神真八威邪門閉
塞正道明開映照我身三光同輝策空駕浮
舉形仙飛

黃中理炁總統玄真鎮星吐輝流煥九天開
明童子一十二人元氣陽精焰上朱煙同照

一室及得我身百邪摧落怨鬼萬千中山神
呪普天使然五靈安鎮身飛上仙

次叩齒二十四通

次發爐祝曰

無上三天玄始三炁太上老君召出臣甲
身中三五功曹左右官使者左右捧香驛龍
騎吏侍香玉童散花玉女五帝直符直日香
官各三十六人出關啓此開土地里域真官
正神巨今正爾燒香傳授願得太上十方正
真生炁降注臣身中令臣所啓速達徑御至

真無極道前

次師引弟子左行執謁版西面向東
唱東方天尊方各三拜亦可一拜亦
可不須版直依方唱次南次西次北
次東此次東南次西南次西北次上

方次下方具如一文

臣等至心歸命東方無極太上靈寶天尊蒼
帝九炁天君東鄉諸靈官此帝先生姓氏名再據揚十方並同
至心歸命南方無極太上靈寶天尊炎帝三
炁天君南鄉諸靈官
○至心歸命西方無極太上靈寶天尊白帝七
炁天君西鄉諸靈官
至心歸命北方無極太上靈寶天尊黑帝五
炁天君北鄉諸靈官
至心歸命東北無極太上靈寶天尊梵炁始
青天君東北鄉諸靈官
至心歸命東南無極太上靈寶天尊梵炁始
丹天君東南鄉諸靈官
至心歸命西南無極太上靈寶天尊梵炁始
素天君西南鄉諸靈官

至心歸命西北無極太上靈寶天尊梵炁始

玄天君西北鄉諸靈官

至心歸命天門上方無極太上靈寶天尊玄

都玉京金闕七寶玄臺紫微上宮三十二天

上帝飛梵大羅天君真人玉女上方諸靈官

至心歸命地戶下方無極太上靈寶天尊九

土高皇四司五帝陰陽水府十二仙官洞淵

洞虛洞元三十六地元皇天君五獄四瀆地

上諸靈官

謹按太真盟訣齋訣登壇辨具以昨某時

表靈專文期誠瓊軒衆靈輔位致使雨寢嘉

辰風息清暑延茲十天三炁流光威式雲布

無上開陳某甲洪幸謬興難剋之因叨冀難

成之果謹依法啓傳符自始迄終得離風雨

使佩受後願無躓礙各叩頭持頌

次法師就位東向弟子還東面西向

伏地法師長跪又叩齒二十四通出

官

謹出巨身中五體真官功曹吏出巨身中靈

寶洞玄三部八景洞天八府飛天上仙官各

二十四人出

三部八景洞天飛行三五直靈神正一昇

玄功曹各二十四人出

三部八景洞天飛行三五直靈神直使生

炁功曹各二十四人出

三部八景洞天飛行三五直靈神靈寶青

帝功曹各二十四人出

三部八景洞天飛行三五直靈神靈寶赤

帝功曹各二十四人出

三部八景洞天飛行三五直靈神靈寶黃

帝功曹各二十四人出

三部八景洞天飛行三五直靈神靈寶白

帝功曹各二十四人出

三部八景洞天飛行三五直靈神靈寶黑

帝功曹各二十四人出

三部八景洞天飛行自然靈寶神通真度

命使者各二十四人出

三部八景洞天飛行自然靈寶神傳事飛

天使者各二十四人出

三部八景洞天飛行自然靈寶神香官生

炁使者各二十四人出

三部八景洞天飛行自然靈寶神仙洞明青

帝使者各二十四人出

三部八景洞天飛行自然靈寶神仙洞明赤

帝使者各二十四人出

三部八景洞天飛行自然靈寶神仙洞明黃

帝使者各二十四人出

三部八景洞天飛行自然靈寶神仙洞明白

帝使者各二十四人出

三部八景洞天飛行自然靈寶神仙洞明黑

帝使者各二十四人出

三部八景洞天飛行自然靈寶神仙監功謁

者各二十四人出

三部八景洞天飛行自然靈寶神仙校事謁

者各二十四人出

三部八景洞天飛行自然靈寶神仙侍香玉

童各二十四人出

三部八景洞天飛行自然靈寶神仙散花玉

女各二十四人出

三部八景三十二洞天八景飛行靈寶五

帝直符各二十四人出出者各依儀嚴裝天

衣仙服冠帶垂纓齊光顯曜整其威儀建九

色之節執簡持幢把召神之信命魔靈樞各

按位署列住十方散花燒香營侍臣身

太玄三部洞天八景自然靈寶飛仙度命天

仙兵馬各九億萬騎出

太玄三部洞天八景自然靈寶神仙度命地

仙兵馬各九億萬騎出

太玄三部洞天八景自然靈寶神仙度命飛

仙兵馬各九億萬騎出

太玄三部洞天八景自然靈寶神仙度命真

人兵馬各九億萬騎出

太玄三部洞天八景自然靈寶神仙度命神

人兵馬各九億萬騎出

太玄三部洞天八景自然靈寶神仙度命日

月兵馬各九億萬騎出

太玄三部洞天八景自然靈寶神仙度命星

宿兵馬各九億萬騎出

太玄三部洞天八景自然靈寶神仙度命九

官兵馬各九億萬騎出

太玄三部洞天八景自然靈寶神仙度命五

帝兵馬各九億萬騎出

太上三部洞天八景自然靈寶神仙度命五

嶽兵馬各九億萬騎出

太玄三部洞天八景自然靈寶神仙度命三

河四海兵馬各九億萬騎出

太玄三部洞天八景自然靈寶神仙度命諸

天督仙兵馬各九億萬騎出

太玄三部洞天八景自然靈寶神仙滅度生

尸兵馬各九億萬騎出

太玄三部洞天八景自然靈寶神仙開度更

生兵馬各九億萬騎出

太玄三部洞天八景自然靈寶神仙金龍騎

各九億萬衆出

太玄三部洞天八景自然靈寶神仙飛龍騎

各九億萬衆出

太玄三部洞天八景自然靈寶神仙遊龍騎

各九億萬衆出

太玄三部洞天八景自然靈寶神仙龍騎

各九億萬衆出

太玄三部洞天八景自然靈寶神仙驛龍騎

各九億萬衆出

太玄三部洞天八景自然靈寶神仙雲龍騎

各九億萬衆出

太玄三部洞天八景自然靈寶神仙龍虎騎

各九億萬衆出

太玄三部洞天八景自然靈寶神仙龍騰騎

各九億萬衆出

太玄三部洞天八景自然靈寶神仙度命九

炁天官青牙玉女各二十四人出

太玄三部洞天八景自然靈寶神仙度命三

炁天官朱丹玉女各二十四人出

太玄三部洞天八景自然靈寶神仙度命七

炁天官明石玉女各二十四人出

太玄三部洞天八景自然靈寶神仙度命五

炁天官玄滋玉女各二十四人出

太玄三部洞天八景自然靈寶神仙度命中

央黃上天官靈劍玉女各二十四人出

太玄三部洞天八景自然靈寶神仙東嶽青

帝主圖飛天吏各二十四人出

太玄三部洞天八景自然靈寶神仙南嶽赤

帝主圖飛天吏各二十四人出

太玄三部洞天八景自然靈寶神仙中嶽黃

帝主圖飛天吏各二十四人出

太玄三部洞天八景自然靈寶神仙西嶽白

帝主圖飛天吏各二十四人出

太玄三部洞天八景自然靈寶神仙北嶽黑

帝主圖飛天吏各二十四人出真仙神官兵

馬乘騎一合屯住臣前後左右羅列行伍自

然五色素雲映蓋身形流精散炁布滿十方

周天覆地營衛臣身一切嚴裝事訖正一昇

玄功曹通真度命傳事飛天使者五帝直符

直事擎玄空之案對在臣前銜臣口中辭語

分別開啓上下中央四面八方天官地神五

嶽四瀆九江八極名山大澤五帝真官四司

監察九部考召玄元始炁甲子諸官君無窮

無極無高無下無深無淺無幽無顯無執數

眾真官注炁乾皇九宮八卦六甲其人根元

本始土地之主社稷將吏一時嚴裝與臣身

功曹使者飛龍驛龍騎直符直事上啓

無上元始太上大道五老上帝至真大聖尊

神玉陛下十方無極大道道德眾聖天尊太

帝天帝玄中大法師諸官君臣以有幸宿世

因緣九天之劫延及今身遭遇明連大法流

行得以穢質參染靈文上清金書三洞寶經

自叨竊以來尊仰上法心希神仙而精誠淺

薄未能感靈常恐罪至淪沒九泉天慈廣大

首領得全誠宜守短不敢有言今三洞御運

靈寶下教先度並昇仙官空缺應須中賢以

充諸天臣受法之日應更度人先有宿名金

格玉錄合真之人周歷八極從虛無中來今

有宿命某嶽真人某甲年若干歲體行真素

骨命合真已受上法九天靈文所參淺狹未

見道源信向苦至祈請積年今齋金繕法信

求受臣所佩元始五老赤書玉篇真文金書

紫字玉文丹章二十四真三部八景圖神仙

乘騎諸天內音自然玉威策錄八字等文神

杖眾事盟命寶經投誠啓訴九祖為證誓為

身寶約無愆違臣受法禁重不敢輕宣備加

核實辭誠愈堅察其丹心謂可成就既法有

開度不敢閉絕輒按黃錄簡文靈仙科品與
某甲對齋三日宿露真文天清地靜四氣恬
然不風不揚應法合真今謹依先師舊典明
真大法玉訣之要付授某甲身共登皇壇金
繒鎮靈謹先拜黃繒赤表一通上詣九天表
露在玉案上分別請省

次讀表文

又叩齒三通送表

謹遣臣身中五體仙官乘騎重勅功曹使者
奏事直符傳言書佐嚴裝顯服冠帶垂纓及
時操臣度道黃繒赤表一通上詣元始五老
上帝至真大聖尊神御前若所言倒錯文字
謬誤不依舊法者願為隨事正定必使上合
無今上官典者有所譴却若有邪魔鬼賊干
截公文者收付所在禁獄依事治罪今臣所
上御達所願必至恩惟原理伏須告報

次弟子左轉南向師左迴北向長跪

鳴鼓三十六通

太上靈寶無上洞玄法師某甲先生臣某甲
稽首再禮謹上請

太極典經仙郎侍經玉郎監度司馬四司五
帝玉童玉女手執紫毛之節十絕靈樞從萬
神千真前吹鳳鳴後奏天鈞燒香散花一時
浮空而降天儀羅列監度盟言臣謹因眾真
仙官飛龍驛吏上啓

太上無極大道太上大道君元始五老上帝
靈寶元尊十方自然至真四方大聖金闕上
帝太極真人太上玄一三真人清玄眾尊瓊
闕下臣以下愚行尸臭肉宿福願會遭遇真
經得奉受大法三洞寶文道高理妙非所任
當夙夜懼惕形魂無寧臣甚誠惶誠恐頓首
頓首死罪死罪臣謬忝非分冒敢獻言伏尋
尊經秘重淵蹟洞源誠非小臣所可揄揚且
明科典制五八聽傳臣佩法始淺未宜宣露
但大會垂周世運短促禍福交謝道須忠賢
廣加開度今入法門雖今人情浮偽虛實難
明然至心翹翹微在可識動求欵到不得閉
絕臣向拜表上聞謹有恭帝真人某甲體性
慈仁質素竟白抗心高上不務榮華耽虛味
真願慕神仙忝履上法大乘之教勸化開度

立德建功恭勤丹苦孜孜不倦鑽勵積載志
極道源今齋金繒寶信受真之具普訴諸臣
九祖為證求佩靈寶元始五老赤書真文寶
符三部八景二十四真神官吏兵諸天内音
玉宇八威策文神杖眾事如臣所見某甲骨
性志行宜合成就謹依明真舊典建壇立盟
告普九天按科付授約為身寶不得負違輕
泄漏慢毀本伐宗生死父母及得身身受考
風刀萬劫無原恩惟

太上眾尊十方聖真四司五帝照鑒盟言謹
以啓聞須御奉行臣甚誠惶誠恐稽首再拜
次法師啓奉畢於是起弟子從師後
三上五方香從東始每至一方輒長
跪上香周竟便巡行三市散花十方
于時當誦詠五真人頌誦一篇弟子
再禮唱善

太極真人頌曰

太上大道君 出是靈寶經 高妙難為喻
猶彼玄中玄 自然無為道 學之得高仙
大手洞虛經 安坐朝諸天 上寶紫微臺

下藏諸名山 煥爛龍鳳文 戴耀在無間
 妙哉太上道 無為常自然 王侯及凡庶
 所貴唯忠賢 宿命有福慶 卓拔在昔緣
 法師轉相授 寶信劫數年 廣念度一切
 大福報爾身 供奉必得道 奉行成至真
 大道無彼我 傳當得其人

太上玄一第一真人頌曰

衆妙出洞真 煥爛耀太清 奉者號仙人
 體無永長生 逍遙戲玄虛 宮殿羅無形
 簞榮七寶林 晃朗日月精 龍麟交橫馳
 鳳凰翔悲鳴 太上治紫臺 衆真誦洞經
 撲香稽首禮 旋行遶宮城 三周歸高座
 道王為應聲 人主宏至道 天下普安寧

太上玄一第二真人頌曰

虛無常自然 強名字大道 緬邈無邊際
 衆妙歸靈寶 閉眼存至真 精思降十老
 昇仙永無為 靈顏常妙好 渴飲玉池醴
 飢食金光草 靜慧度八難 濟世諸苦惱
 太上玄一第三真人頌曰
 妙哉靈寶經 太上自然文 奉者致得仙

號曰真天尊 受命宣道教 真為超俗才
 事畢昇神仙 宮殿治玄臺 時降崑崙山
 逍遙憇蓬萊

太上正一真人三天大法天師頌曰

靈寶及大洞 至真道經王 如有五千方
 高妙無等雙 奉行立飛仙 玄居治虛空
 侍衛太上臺 逍遙紫微宮 萬劫猶電頃
 長存永無窮 道眼已備足 豁落自冥通
 幽昧無不知 安坐觀十方

誦畢法師弟子各還復位南北相對披真

文於案上師誦真文序畢弟子再禮次依
 玉訣正音字字解說口授讀度弟子承受
 訣言東方安寶華林青靈始老九炁青天
 赤書真文

東方赤書玉篇

東方九炁 始皇青天 碧霞鬱壘 中有老人
 總校圖錄 攝炁舉仙 歲星輔肝 角亢鎮真
 氏房心尾 四景迴旋 箕主七辰 玉斗明輪
 承炁捕非 掃除災羣 東山神呪 攝召九天
 赤書符命 制會鄴山 束魔送鬼 所誅無蠲

悉詣木宮 敢有稽延 下制東河 溟海水神
 大劫洪災 蛟龍負身 水府開道 通徑百千
 青帝赤文 風大無間

南方赤書玉篇

南方丹天 赤帝玉堂 中有大神 號曰赤皇
 上炎流烟 三炁勃光 神仙受命 應運太陽
 葵惑輔心 井鬼守房 柳星張翼 抗御四鄉
 軫總七宿 迴轉天常 召運促會 正道驛行
 赤文命靈 北攝鄴山 束送魔宗 斬滅邪原
 符教所誅 明列罪源 南山神呪 威伏萬方
 羣秩滅奠 萬試摧亡 南河水帝 太伯龍王
 神呪流行 普掃不祥 洪水飛災 止蛟召龍
 開除水徑 千道萬通 敢有干試 攝送火官
 赤書所告 莫有不從

中央赤書玉篇

中央總靈 黃上天元 始生五老 中黃高尊
 攝炁監真 總領群仙 典錄玄圖 宿簡玉文
 催運上炁 普告萬神 鎮星輔脾 迴度北元
 魁魁主非 截邪斬軒 魁魁懸懸 掃穢除氛
 懸正玄斗 明度天關 九天符命 金馬驛傳

勅攝北帝 過塞鬼門 剪除不祥 莫有當前
中山神呪 召龍上雲 制會黃河 九水河源
不得殆繼 善惡悉分 千秋萬劫 上對帝君
莫有干試 太陽激煩 赤書玉字 宣告普聞

西方赤書玉篇

西方素天 白帝七門 金靈皓映 太華流氛
白石莪莪 七炁烟煜 上有始生 皇老大神
總領肺炁 主校九天 檢定圖錄 制召上仙
太白檢肺 奎妻守魂 胃昂畢背 主制七關
參總斗魁 受符北元 赤書玉字 九天正文
攝召萬炁 善歸帝君 西山神呪 八威七傳
符水上龍 召山送雲 在所校錄 同到帝門
輔衛上真 斬滅邪源 若有不祥 截以金關
赤書符命 風火驛傳

北方黑帝赤書玉篇

北方玄天 五炁徘徊 中有黑帝 雙皇太微
總領符命 仙鍊八威 青裙羽襪 龍文鳳衣
上帝所舉 制到玉階 北辰輔腎 斗牛衛森
女虛危室 豁落四開 辟總七星 執凶糾非
却災掃穢 明道洞輝 北山神呪 激陽起雷

流鈴煥落 覆天振威 北鄴所部 萬祇滅摧
九河傾訖 鳥母群飛 蛟龍遁道 水百洞開
赤文玉書 驛龍風馳

五魔玉諱

九炁天中空洞青靈魔王姓巴元諱昭伯三
炁天中空洞赤靈魔王姓負天諱推石中黃
高皇天中空洞黃靈魔王姓橫天諱推力七
炁天中空洞白靈魔王姓及山諱六日五炁
天中空洞黑靈魔王姓監配諱朗腹

度上部八景

清微天主上部赤字玉訣青書玉字三十二字
上天虛無玄洞九五太上阿房統靈威戶
玉衡攝氣腦華玄觀統御上部通神達古

度中部八景

大赤天主中部赤字玉訣朱書玉字三十二字
赤明開具三天氣和洞丹陽光五藏不枯
丹天所寶朱宮扶蘇納鍊流泉朱元無祖

度下部八景

禹餘天主下部赤字玉訣黃書玉字三十二字
黃中理氣元生自專胃管幽通六府俱存

白元公子 桃康德淳 養育朱丹 洞神往還

東方青帝八會內音自然玉字九炁

總諸天文

聖妻阿會無怒觀音須延明首法攬善曇
稼那阿奔忽訶流吟華都曲麗鮮善育臻
答落大梵散煙慶雲飛灑玉都明魔王門
無行上首迴蹠流玄阿陀龍羅四象吁員
訣東方內音畢弟子迴心東向伏冥目師

叩齒九通祝曰

赤明開圖八炁迴具總統玄門青帝大神
流化九外纏綿我身靈音八書六十四篇
洞明天地與我合仙運致龍駕上昇帝軒
畢弟子仰頭九咽炁次讀細字唱度之橫
讀之也

南方赤帝八會內音自然玉字三炁

總諸天文

南燭洞浮玉眸洗洗梵形落空九靈推前
洋洛吾臺綠羅大千眇莽九醜韶謠綠蓮
雲上九都飛生自騫那育郁靛摩羅法輪
靈持無鏡攬資運容靛朗廓弄神纓自宮

訣南方內音畢弟子迴心南向伏冥目師

叩齒三通祝曰

三炁徘徊靈鳳來飛玉音八字煥爛紫微
日吉大慶我道洞開朱丹哺飼仰以靈輝
生生水火絳帔羽衣登空玄步足踐鳳梯
周旋八天七祖相隨

畢弟子仰頭三咽炁次度細字

西方白帝八會內音自然玉字七炁

總諸天文

刀利禪猷婆泥咎通宛藪滌色大眇之堂
流羅梵萌景蔚蕭嶠易逸無寂宛首少都
阿濫郁竺華莫筵由九開自辯阿那品首
無量扶蓋浮羅合神王誕長桑栢空度仙
訣西方內音畢弟子迴心西向伏冥目師
叩齒七通祝曰

七炁金靈八天尊神白虎策輦師子捧轆二十六

七炁纏綿鍊我成仙身發金光肺照素雲
內外變化昇入洞門七祖出夜九幽放魂
三徒五苦長斬惡根同懼福舍受慶自然
億劫開度隨運長存

畢弟子仰頭七咽炁次度細字

北方黑帝八會內音自然玉字五炁

總諸天文

覆無自育九日道乾坤母東覆形攝上玄
陀羅育遊眇炁合雲飛天大醜總監上天
沙陀劫量龍漢瑛鮮碧落浮黎空歌保珍
惡弄無品洞妙自真元梵恢漠幽寂度人

訣北方內音畢弟子迴心北向伏冥目師

叩齒五通祝曰

玄天徘徊流景上清大有啓運八字高明
飛玄澄虛洞音自生五炁纏綿灌我身形
冠帶北軍受鍊洞靈腎府化出內外光精
飛行三界遊宴紫庭七祖同慶懽樂劫齡
七寶林中反胎更形長夜滅死南宮記名
黃錄白簡削死上生

畢弟子仰頭五咽炁次度細字次讀太歲二十七

以下盟文

次度策文封八歲策法先續
弟子名次讀師名
上版符訣曰
天靈步兵太一昇天在地關白生天命威

命主尸骨星地命出月天地度

又訣曰

焰明靈威仰洞浮極炎赤燥弩通班元氏舍
樞紐上金昌開曜魄寶黑節靈會隱侯局

下版符訣曰

太上太一版 真經黃帝書

又訣曰

慧靈開洪災度人

次思前從飛龍後導天鈞鳳嘯鸞鳴十二
華光建三七色節命靈之禧給五帝王童

玉女各十二人五帝侍衛三界司迎弟子

受策長跪師前勅衆符曰

東流之水徘徊五城魄入魂出澡鍊身形
某甲奉受靈寶衆符永得長生急急如太極

次封策兩頭祝曰

元始太真五靈高尊太華暗映洞朗八門
五老告命無幽不聞上御九天中制艷山
下鎮河海十二水源八威神呪靈策玉文
召龍負水收炁聚雲束魔送鬼掃蕩妖群
萬精摧落所誅無蠲日月五星北斗七元

諸天諸地諸水諸山玉真所部溟冷大神
仙王遊宴五帝杖椿天丁前驅金虎後奔
攬天猛獸羅備四門所呼立到所召立前
赤書煥落風火無間有所攝驗金龍驛傳

祝畢叩齒九通仰天三嘯引炁三咽止用

元始五老印封策畢次封杖法叩齒三十

六通冥目思五帝吏各一人衣隨方色有

五色之光流煥杖上五帝玉女各一人合

共衛杖左右畢先以杖橫捧於師前頭向

左此師行之

次師執青帝符命弟子看訣曰青帝姓區

名更生竟授與弟子弟子得符東向叩齒

九通思青炁從口中入注肝中生九重青

華寶光徹映項後畢還授符與師師納上

第一孔中竟師祝曰

無上青精九炁太靈神光遐散流映東青

華景鬱勃灌子身形官府安鎮寶魂自生

洞達八朗飛昇玉庭

畢弟子引炁九咽止次師執赤帝符命弟

子看訣曰赤帝姓祝名昌中竟授與弟子

弟子得符南向叩齒三通思赤炁從口中

入注心中生三重丹華寶光徹映胃中畢

還授符與師師納上第二孔前竟師祝曰

丹華流瑛寶芝生光神精徹幽散靈八方

直符攝炁嘯命朱童三精煥敷注子絳宮

赤神安鎮五香溢充洞映形外表裏發光

身生水火獨步飛行

畢弟子引炁三咽止次師執黃帝符命弟

子看訣曰黃帝姓司名精竟授與弟子弟

子得符向上叩齒十二通思黃炁從口

中入注脾中生十二重黃華寶光洞映一

身畢還授符與師師納上第三孔中竟師

祝曰

總元高靈迴神四鄉黃上散華五帝交芳

流精散漫十二重光混合子形萬神相迎

安備黃脾養炁中房保齡度劫永鎮無窮

畢弟子引炁十二咽止次師執白帝符命

弟子看訣曰白帝姓厚名曲正竟授與弟

子弟子得符西向叩齒七通思白炁從口

中入注肺中生七重素華寶光洞映丹田

畢還授符與師師納上第四孔中竟師祝

曰

金靈七炁素華流紛金精童子道建元中

帶符攝炁萬神會門寶光奕奕照子會根

安鎮肺華萬劫長存

畢弟子引炁七咽止次師執黑帝符命弟

子看訣曰黑帝姓玄名尹豐竟授與弟子

弟子得符北向叩齒五通思黑炁從口中

入注腎中生五重玄華寶光洞映背外畢

還授符與師師納上第五孔中竟師祝曰

北上大玄五炁徘徊寶華五重流光煥輝

靈景鬱秀洞映太微仰注子身腎府鮮開

安鎮靈宅萬神總歸身生羽翼舉形自飛

畢弟子引炁五咽止次納符竟以朱蠟封

杖兩頭空處上用元始之章印之下以五

老之章印之畢弟子叩齒三十六通思五

帝直符吏各一人衣隨方有五色之光流

煥杖上五帝玉女各一人合共衛杖左右

弟子依前橫捧杖師祝之曰

太陽之山元始上精開天張地廿竹通靈

直符守吏部御神兵 五色流煥 朱火金鈴
輔翼上真 出幽入冥 招天天恭 攝地地迎
指鬼鬼死 祛魔東形 靈符神杖 威制百精
與攝群方 與我俱生 萬劫之後 以代我形
景為五解 神昇上清 承符告命 靡不敬聽

畢引五方炁二十五咽止

次師告丹水文

某嶽先生大洞法師臣某甲告弟子某甲等
元始天尊於眇莽之中 敷演真文 結成妙經
劫劫濟度 無有窮已 如塵沙巨億 無絕靈文
隱奧秘于金閣 眾真宗奉 諸天所仰 逮于赤
鳥降授 仙公靈寶 妙經於是 出世度人 吾謬
稟微緣 運值靈文 先師顯飾 奉傳至法 誓為
身寶 豈敢宣泄 劫運推移 其法應行 有合具
之人 依科聽付 今普九天 啓付某甲 受經之
後 當依明科 肅已勵軀 精誠勤苦 斷絕世緣
唯志大乘 供養朝禮 講習妙蹟 參問有道 導
引精研 修齋服御 希求飛騰 尊道敬師 推崇
根本 不得噴噓 有面無心 攻伐本根 自造無
端 輕慢經寶 皮好胎誕 淫欲貪著 嫉妒恚恨

宵心詭楚 懷毒在內 一旦犯違 身充三泉 當
以某甲三曾五祖 同淪地獄 萬劫無原 今建
立黃壇 關盟五帝 付授寶文 十部妙經 諸天
五嶽 咸對盟文 檢行慎法 抱於中心 飛仙可
期 終成道真 善自肅勵 如四極明科 律文

次弟子自盟文

某府縣鄉里某嶽先生洞玄弟子某甲稽首
再拜上啓

元始天尊太上道君十方尊神四方已得道
至具太上靈寶三十六部尊經寶符高玄大
法師某甲因緣宿福 九天之劫 輪轉不滅 慶祚
所速 輪化所籍 得生法門 先緣發願 仰羨至
闕 法闢大乘 心神欣踊 自恐腐散 今遭天運
推移 皇道數行 蒙法師某甲所見 拔擢開導
愚蒙 賜臣靈文 奉對聖君 肉尸惶懼 洗除濁
穢 得侍靈壇 俯荷拔擢 榮過分表 某當勵已
肅體 供養尊禮 棄情退累 志託幽崑 長乖世
塗 唯志丘巖 晝夜朝拜 思竭愚管 庶憑聖文
拔度 朽骸 至心慊無 有二念 不敢違盟 負
誓 欺師 慢道 有面無心 不保劫數 某自收罪

考吞聲 敢言引某七世父母九玄祖考以為
證 誓見世生人九族 種親以為盟約 某自樂
仙道 時不敢拘迫 一日有違 生死同淪 地獄
五道 不敢蒙原 上告元始 下誓五帝 身對師
寶 自立盟誓 丹情至心 唯蒙矜納 臣某誠惶
誠恐 稽首再拜

次師起立北向左手執真文二錄弟子長

跪以右手持信物師叩齒三十六通存五
藏之色今備具合成寶蓋之雲羅覆經及
師從而祝曰

天書簡不煩道德自備足修之必神仙當復
何所欲文耀太無間煥然而朗郁傳授悉依
法泄慢墮地獄
次弟子跪九拜三起三伏奉受真文帶策
執杖禮十方一拜從北方始東迴而周訖
想見太上真形如天尊象矣畢次師起巡
行詠步虛其辭曰
稽首禮太上 燒香歸虛無 流明隨我迴
法輪亦三周 玄願四大興 靈慶及王侯
七祖生天堂 煌煌曜景敷 肅敬觀大漠

天樂適我娛 齊馨無上德 下仙不與儔
 妙想明玄覺 誦說乘虛遊
 旋行躡雲網 乘虛步玄紀 吟詠帝一尊
 百關自調理 俯命八海童 仰攜高仙子
 諸天散香華 儵然靈風起 宿願定命根
 故致高標擬 歡樂太上前 萬劫猶未始
 嵯峨玄都山 十方宗皇一 峇峇天寶臺
 光明焰流日 焯焯玉林華 葆繁曜珠寶
 常念飡元精 鍊液固形質 金光散紫微
 窈窕大乘逸
 俯仰存太上 華景秀丹田 左顧提鬱儀
 右盼攜結璘 六度冠梵行 道德隨日新
 宿命積福應 聞經若至親 天挺超世才
 樂誦希微篇 沖虛太和炁 吐納流霞津
 胎息靜百關 寥寥究三便 泥丸洞明景
 遂成金華仙 魔王敬受事 故能朝諸天
 皆從齋戒起 累功結宿緣 飛行凌太虛
 提攜高上人 旋憩玄景阿 仰觀劫刀臺
 控轡適十方 逍遙太上京 相與坐蓮華
 俯眇紫雲羅

積學為真人 恬然榮衛和 永享無期壽
 萬椿奚足多 大道師玄寂 昇仙友無英
 太一奉洞章 舍利曜金姿 龍駕歛來迎
 天專眇雲輿 飄飄乘虛翔 香花若飛雪
 紛靄茂玄梁 頭腦禮金闕 攜手邀玉京
 騫樹圓景園 煥爛七寶林 天獸三百名
 師子巨萬尋 飛龍躡躡吟 神鳳應節鳴
 靈風扇奇華 清香散人衿 自無高仙才
 焉能耽此心
 嚴我九龍駕 乘虛以逍遙 八天如指掌
 六合何足遠 衆仙誦洞玄 太上唱清誦
 香花隨風散 玉音成紫霄 五苦一時迸
 八難順經窠 妙哉靈寶圖 興此大法橋
 天真帝一宮 鵲鵲冠耀靈 流煥法輪網
 旋空入無形 虛皇拊雲璈 衆真誦洞經
 高仙凜手讚 彌劫保利貞 長齋會玄都
 至真無所持 時或嚮飛龍 紫煙結成宮
 鳴玉叩瓊鐘 十華諸仙集 散花陳我願
 寶蓋羅太上 真人把芙蓉

握節徵魔王 法鼓會群仙 靈唱靡不同
 無可無不可 思與希微通
 次北向誦禮經頌三首其辭曰
 樂法以為妻 愛經如珠玉 持戒制六情
 念道遣所欲 淡泊正炁停 蕭然神靜默
 天魔並敬護 世世受大福 天人同其願
 鬱鬱家國盛 濟濟經道興 靡靡法輪昇
 縹緲入大乘 因心立福田 靡靡法輪昇
 七祖生天堂 我身白日騰 鍊質入仙真
 大道洞玄虛 有念無不契
 遂成金剛體 超度三界難 地獄五苦解
 悉歸太上經 靜念稽首禮
 每誦步虛一首 記弟子唱善散花禮一拜
 畢唱三禮曰
 至心稽首禮太上無極大道
 至心稽首禮三十六部尊經
 至心稽首禮玄中大法師
 次平坐弟子向師伏師說元始禁戒弟子
 句向唱諾弟子稱名師告弟子唱諾
 元始亦書五篇真文上清自然之書九天始

生之靈空洞之章成天立地開張萬真安神
鎮靈生成兆民匡御運度保天長存上制天
機中檢五靈下策地祇嘯命河源運役陰陽
召神使仙此至真之文妙應自然致天高澄
使地固安五嶽保鎮萬品存焉元始刻題上
帝靈都之館累經劫運而其文保固天根無
有毀淪與運推遷混之不濁穢之愈晴毀之
不滅滅之極明大有之文天真所尊自非勒
名帝圖刻簡來生者斯文隱秘莫得窺聞有
得之子與三炁長存勤行其法剋致神仙但
精心躬奉家國安寧保命度災掃諸不祥天
子侯王奉之致國太平凶寇自夷邊域不爭
兆民歌唱普天興隆運推數周正道當行有
得之者庶招自然天真妙重九天所秘不得
輕泄考罰爾身若弟子應傳經者年限雖未
盈五八皆令法信充備依黃錄為三師開度
弟子一十九人功德滿足然後得傳寶訣不
得非師私相教授若違科妄泄無盟而傳師
受四極之考七祖同淪地獄萬劫不原可不
慎之可不慎之爾其信焉畢弟子起禮三拜

還伏次投六誓文曰

一誓不輕泄 二誓不猥慢 三誓不妄傳

四誓不口說 五誓不觸經禁 六誓不穿背道

天尊六誓以質人心人心既固道心亦具

不得違誓越盟永受風刀說誓之時先拾

香弟子一手指天男左女右畢弟子禮六

拜師立誦曰

真道高妙應感則宜丹心懇至有慚上玄

紫文鍊質神金制魔器落威靈佩之神仙

今啓傳付誓勿妄言寶秘真降泄必禍臻

天科嚴峻爾其奉焉

畢弟子又禮六拜

次師簡授弟子法位曰太上靈寶無上洞

玄弟子某嶽先生某甲弟子長跪受畢退

合簡端身稱之禮本師九拜三起三伏肘

行膝步訖左行東面向西禮再禮次北次

東次南各再禮曰朝四極還復位禮監度

三師各三拜

次還讀前謁十方版及五師版依前圖方

所唯五師向西畢長跪大謝弟子叩頭掉

頌無數其辭曰

太上靈寶無上洞玄弟子某嶽先生某等

今故燒香叩頭歸身歸神歸命十方無極太

上靈寶天尊十鄉諸靈官已得道至真諸君

丈人三十六部尊經玄中大法師太上玄一

三真人太極高玄法師三天大法師正一真

人及三界表裏一切神靈臣等以今傳授弟

子某甲登壇告盟希仰太上眾尊濟度之恩

原赦臣某師從弟子等自從緣起有身父母

依因一切眷屬及得某等千罪萬過并今傳

授置齋以來逮手茲日違科犯法進止失儀

呼名乖忤尊卑越次付度差違特乞大慈開

宥不見罪罰伏願恩流即時威攝今日且今

日寶珠之口有無軟眾登寶珠之上獲參勝

侶乃超虎澗而同至越龍山而俱到證因四

果果於向者剋成五願願偶今時所謂珠口

不知盈滿水火無以燒沉故今辰男女仰慕

鳳輪遠期龍駕凡此智友既各父元父之父

同一玄之一願五眼報勤三明賞德功騁

喜泰動暢休歡恩寢死符福播生錄永始元

始之歌謠長卒不卒之慶抃各使喰能命算
食辨形體枯蓋尊卑衛活長少天保信向之
男法護至到之女女果紫簡男諧玉牒不朽
與赤甫爭能得道共山圖而競解禍路承此
同滅福階因慈各興

帝主延昌愛民治國三歸共往四教俱來獄
厄長免因緣永絕災惱不起衰患勿生其諸
此外隨願各刻求官得官求貴得貴求道得
道求真得真所願悉諧所欲咸遂道成天地
功濟生靈遍為諸天日月星宿山川嶽瀆龍
王鳥王獸王蟲王萬物神王一切天王在在
處處天神地神山水靈祇里域官長凡諸營
衛一切吏兵並願即時旋轉俱登妙勝即願
七元安度四象無愆天見嘉祥地表靈瑞山
開寶牒河出龍圖五芝綠草遍布郊野四方
比九
清淨天下太平無邊功德速及監臨官對執
勞隨喜并觀聽男女一蒙有緣同享上福冥
資六道慶被四生五苦三惡合靈有識咸蒙
蕩沐冠帶天衣適樂自在長結善緣永為法
侶從此不退得道為期至於壇主盟身其五

丈入體玉符養質神真衛命天書感瑞八會
應圖六度常持四行無缺五通仙舉十轉飛
騰金剛淨體剋隆聖果稽首十方常住三寶

次師誦三徒五苦辭曰

三才及萬物 倚仗各有齡 終始待劫數
福盡天地傾 往反於五道 苦哉更死生
輾轉三徒中 去來與禍并 愚夫不信法
大賢慎茲誠 忍性念割情 令故重告明
罪痛常自嬰 吾念世無已 大賢故閉口
若欲度斯患 歸命太上經 倚仗待長眠
罪福不由他 諒自發爾聲 舍養如此害
欲絕諸惡緣 滅念歸兼至 恐必致天殘
弘道以安世 終當見正真 合養如此害
淫嫉為禍首 滅身之至患 三十九
豈是道所安 知惡而不革 必致天殘
懷毒日齋直 令我發長歎
宿命有信然 弱喪謂之无 皆欲眼前見
過目即言悠 大賢明道教 慄慄慄慄夫
依依念子苦 勤勤令我憂
人命以消盡 亦猶膏中大 四大暫相寓

五物權時假 盛年當勤學 趣未存吾我
福盡身神散 冥冥地獄下 上聖畏是故
尋道度斯禍 學仙行為急 奉戒制情心 虛夷正氣居
仙聖自相尋 若不信法言 胡為棲山林
大賢樂經戒 受之為身寶 就學常苦晚
治身恨不早 比當披幽曠 倏歎年已老
執卷吸爾極 將更死痛惱 吾故及弱齡
棄世以學道

次法師還向東口啓言功復官

泰玄都正一平炁係天師陽平治左平炁巨
某稽首再禮
上言謹按文書巨素胎生內人稟命有幸得
生法門被蒙大聖曲速隆重得叨妙法內外
真要長生度世不死之道仰慕上清三洞寶
經昇霞之術恩潤重沓莫之與比道重人輕
非巨臭骨所可當荷辜負天官若無首領巨
以今即日登此山峯授度寶經與弟子某甲
出身中三部八景神仙騎乘飛天神仙功曹
傳言奏事小吏關啓五帝五嶽土地靈山里

域真官注炁監察授度並見營衛皆是眾官
 祐護之功不勝受恩謹為一切眾官拜言功
 口章上聞願上官典者乞垂矜省原赦臣前
 後所犯萬沒之罪賜臣身得度千災萬厄之
 中請為侍經玉童玉女內外監察考召君吏
 四野九野四面真官土地靈山五帝五嶽上
 真臣身三部八景飛天神仙功曹天官騎乘
 十方營衛眾官并及前後行來諸所經歷傳
 授宣化心口求願祐助之功一切謁還天曹
 加官進爵言功舉遷上功三千等中功二千
 等下功一千等書佐小吏吏兵士卒各五百
 等還入中官上官典者以時給與悉令均平
 無使遺脫恚恨者受功事訖各還所職營護
 臣身攘却千災萬毒公私口舌惡人謀議一
 切伏匿絕滅太陰之中受恩無地以為効信
 恩惟
 太上分別求哀臣愚謹因內外眾官直使正
 一功曹左右官使者陰陽神決吏科車赤符
 史剛風騎置驛馬上章吏飛龍騎吏官各十
 二人出奉操臣拜上言功口章一通上詣三

天曹伏須告報臣誠惶誠恐稽首再禮以
 聞

臣姓屬某某縣某觀

大清銜位

太歲

臣告盟事訖所請天靈地神謁還九天隨宜
 進叙臣身中玉虛真炁功曹使者神仙乘騎
 各按常次從紫府玉閣妙門金戶而入周身
 帀體纏繞百脉骨節內填仙炁外截邪源鍊
 魂保精早得飛行神仙羽騎徑昇帝宸咽二
 十四炁止

次法師復爐祝曰

香官使者左右龍虎君侍香諸靈官當今此
 間傳授之所自然生金液丹碧芝英百靈眾
 真交會在此香火案前臣得道剋獲上仙
 弟子某甲等受福內外家口蒙恩十方仙童
 玉女侍衛香煙傳奏臣向來言請徑至玉皇
 上帝几前
 次誦奉戒頌
 道為無心宗 一切作福田 立功無定準

本願各由人 虛已應眾生 注心莫不均
 大聖崇正教 亦由雨降天 高凌靡不周
 常卑故成淵 海為百川王 是能舍龍鱗
 萬劫保智用 豈但在厥年 奉戒不暫虧
 世世善結緣 精思念大乘 會當體道真

還戒頌

天尊大慈悲 說戒度眾生 威德被幽顯
 果報感真靈 諸天來稽首 群魔自束形
 過去超八難 見在保千齡 齋福行當息
 相共送虔誠 流梵逸雲唱 飛香雜煙馨
 瓊鳳乘丹輦 金龍駕綠駟 生死皆快樂
 家國悉安寧

畢師弟子遶壇梵誦還事了亦可復爐前
 於皇壇上行騰天籍地竟師弟乃梵誦出
 西北九天門勿迴顧也藉地解 符音書
 符音書續上亦有師云未言功前行之
 畢次引弟子北內朝太上玉案四拜次東
 向謁大帝君再拜次南向禮高上真人再
 拜次西向拜天師張君再拜次三日弟子
 言功設齋謝恩儀在別卷次弟子於壇本
 命之方投簡法吹東向叩齒三通上香祝
 無上三天玄元始三炁太上老君召出我身

中三五功曹左右官使者左右捧香驛龍騎
吏侍香玉童侍香玉女五帝直符直日香官
各三十六人出關啓此間土地四面真官正
神我今正爾燒香關啓願得太上十方正真
之炁入我身中今所啓上聞徑御無上至真
大聖尊神玉帝几前

畢迴向玉叩齒十二通讀簡竟祝曰

天開地張 九炁分靈 三元同符 十方玄清
五老上帝 開真領生 丹書赤文 元始上精
普告無上 九土皇靈 今日上吉 萬仙定生
我願我仙請投玉名 土府太皇 勒除罪形
奏簡上官 列簿華青 早得飛昇 天地同靈
九祖種親 齊散更榮 魂昇南宮 受化仙庭
今日告命 萬神咸聽 請以金鈕 表明至情
請如所告 金龍驛程

畢上香復爐如上法

元始靈寶告九地土皇滅罪言名求仙上法
靈寶赤帝先生 女云 道士 某甲年若干歲 某月生
命係九天南斗領籍 解曰 此文云 赤帝者是 是正月二月生 南斗領籍 願神願仙長生度
是正月二月生 南斗領籍 願神願仙長生度

世飛行上清中皇九土戊巳黃神土府五帝
乞削罪錄勒上太玄請詣中宮投簡記名金
鈕自信金龍驛傳

太歲某子某月某子朔某日某子於某
府州縣鄉里中告文

右朱書銀簡青紙裹之青絲纏鈕九隻金
龍一枚埋所住中宮

吹謁版刺版並埋壇之當方亦可投山洞
淵泉中勿令人得之凡簡長一尺二寸闊
二寸四分厚三分

登壇法信如左

金錢二萬四千聽以銅錢寶物准當上金
九兩五色繒紋各一疋大席五領合和香
五奩 二斗五香爐七章案絳紋巾一枚五
尺袂複碧紋巾一枚五尺袂複五綵雜散

花一斗本命繒隨年尺數

正月二月生則青天領籍炁係九炁天君
四月五月生則丹天領籍炁係三炁天君
七月八月生則素天領籍炁係七炁天君
十月十一月生則玄天領籍炁係五炁天君

君

三月六月九月十二月生則黃天領籍炁
係一炁天君

隨度事月

正月二月則云今於九炁天中

四月五月則云今於三炁天中

七月八月則云今於七炁天中

十月十一月則云今於五炁天中

三月六月九月十二月則云一炁天中

太上洞玄靈寶授度儀